

EXTENDITVR FACVLTAS ERIGENDI

Scholarium Congregationes in Collegijs, Primariæq. Romanæ aggregandi, Ac Indulgentias eis communicandi, Generali Societatis IESV Præposito alia concessa; ad alias non Scholarium, etiam in Domibus erigendas, Congregationes.

SIXTVS EPISCOPVS SERVVS SERVORVM DEI.
AD PERPETVAM REI MEMORIAM.



Vperna dispositione, cuius inscrutabili providentia ordinationem suscipiunt vniuersa, in supereminenti Apostolicæ dignitatis specula, meritis licet imparibus, constituti, pia & salubria Christi fidelium vota, quæ ad Cõfraternitatum, seu Sodalitatum præsertim in hac Vrbe nostra ritè institutarum laudem & gloriam cû animarum salute tendere dignoscuntur, libenter exaudimus, ipsasq; Confraternitates, seu Sodalitates condignis titulis extollimus, ac alias desuper disponimus, prout in Domino conspiciamus eisdem Christi fidelibus salubriter expedire. Alias siquidem pro parte dilecti filij Claudij Aquauinæ Præpositi Generalis Societatis IESV, felicitis recordat. Gregorio PP. XIII. prædecessori nostro exposito, externos Scholares ad Collegia eiusdem Societatis, in diuersis mundi partibus instituta, studiorum causa confluentes, pia quædam & laudabilia Scholarium Collegij prædictæ Societatis de Vrbe, exercitia feruenti studio incitari, exindeq; dictis Collegijs maiorem in dies præpagationem accipientibus, multiplices fructus ad Dei gloriam, ac eius Diuini Nominis cultum, & Beatæ Mariæ Virginis honorem, publicam salutem, & animarum spiritualem consolationem provenire cepisse: idem prædecessor ad audabile eorûdem Scholarium in pijs operibus, & officijs huiusmodi studium cõseruandum atq; augendum, dicti Claudij Præpositi supplicationibus inclinatus, in Ecclesia Annunciationis eiusdem Beatæ Mariæ, sita in corpore ædificiorum dicti Collegij Vrbs, in qua ab eiusdem Collegij Scholaribus, sub illius Rectoris, & aliorum dictæ Societatis Religiosorum directione instructis, tam piarum, & fructuosarum exercitationum institutum primordium suum habuerat, vnam seu vnum externorum Scholarium dicti Collegij, ac cum eis simul etiam aliorum Christi fidelium Societati prædictæ deuotorum, Primariam Congregationem, seu Primarium Sodalitium sub titulo eiusdem Annunciationis Beatæ Mariæ per dictum Claudium tunc, & pro tempore existentem Præpositum Generalem, vel eo absente, aut esse desinente, donec nouus succederet, Vicarium etiam Generalem dictæ Societatis dirigendam, seu dirigendum, sine tamen ipsius Societatis præiudicio, Apostolica auctoritate perpetuò crexit, & instituit, pluresq; indulgentias etiam plenarias, & peccatorum remissiones Scholaribus & Christi fidelibus prædictis concessit, ac Præposito, seu Vicario prædicto, vt in quibusuis alijs dictæ Societatis Collegijs extra dictam Urbem per vniuersum orbem tunc & pro tempore erectis, & erigendis, siue eorum Ecclesijs pro dictorum piorum operum incremento, & animarum salute, qualiscûq; alias, siue alia Scholarium inibi bonarum litterarum studio insistentium, ac simul cum eis etiam aliorum Christi fidelium (vt præfertur) deuotorum, Congregationes siue Sodalitias sub eodem titulo in singulis scilicet Collegijs singulas seu singula, quæ à Primaria Congregatione seu Primario Sodalitio prædicto, tamquam membra à capite suo dependerent, erigere & instituere, illasq; siue illa eidem Primariæ Congregationi, seu Primario Sodalitio aggregare, illisq; sic erectis & aggregatis eorumq; Sodalibus prædictas & quascûq; alias indulgentias, & peccatorum remissiones, relaxationes, gratias, & facultates ab eodem prædecessore & Sede Apostolica ipsi Primariæ Congregationi, seu Primario Sodalitio eatenus concessas & de cetero concedendas, communicare, & alia facere posset, itidè etiam perpetuò concessit & indulsit, sub certis modo & forma tunc expressis, prout in litteris ipsius prædecessoris desuper confectis plenius continetur. Cum autem, sicut exhibita nobis nuper pro parte dicti Claudij Præpositi petitio continebat, ex Congregationibus seu Sodalitijs huiusmodi noui indies, atq; eo maiores, quo plures sunt Sodales, fructus provenire noscantur, & in multis Collegijs pro Sodalium frequentia, ac disparitate, opus fuerit, non vnam tantum, sed plura in eodem Collegio Cõgregationes huiusmodi instituire, quin etiam in eisdem Collegijs, ac etiam Domibus dictæ Societatis, alia non studiosorum Scholarium, sed aliorum piorum Christi fidelium Sodalitia, seu Congregationes passim instituantur. Vt igitur tam Scholares, quàm ceteri Christi fideles eo promptiores ad huiusmodi Congregationes, vel Sodalitias ingredienda reddantur, & ad piorum operum exercitia magis excitentur, ac excitati manuteneantur, quo amplioribus cœlestis gratiæ donis se ac eorum Cõgregationes seu Sodalitias, decoratos ac resectos, ac decorata, & resecta esse conspexerint, pro parte dicti Claudij Præpositi nobis fuit humiliter supplicatum, quatenus sibi, ac pro tempore existenti prædictæ Societatis Præposito, seu Vicario generali, vt in quibusuis dictæ Societatis Ecclesijs, seu Domibus ac Collegijs, tam in Vrbe, quàm extra eam per vniuersum orbem, nunc & pro tempore erectis, & erigendis, qualisuis alias, siue Scholarium tantum, siue aliorum Christi fidelium tantum, siue vtrorumq; simul, tam sub eodem Beatæ Mariæ Annuntiatæ, quàm alio quouis titulo & inuocatione, Congregationes, seu Sodalitias dictæ auctoritate perpetuò erigendi, & instituendi facultatem & licentiam concedere, aliasq; in præmissis opportunè providere de benignitate Apostolica dignaremur. NOS igitur, qui dudum inter alia voluimus, quod litteræ super indulgentijs non expedirentur ad instar, nisi specificarentur, ac animarum salutem nostris potissimum temporibus synceris desideramus affectibus, Claudium Præpositum, seu Vicarium prædictum, ac eorum quemlibet à quibusuis excommunicationis, suspensionis, & interdictionis, alijsq; Ecclesiasticis sententijs, censuris, & pœnis à iure, vel ab hominè, quauis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, posterioribus supplicationibus hac in arte nobis porrectis inclinati, eidem Claudio, & pro tempore existenti dictæ Societatis Præposito, seu Vicario generali, vt in quibusuis eiusdem Societatis Ecclesijs, seu Domibus, & Collegijs, tam in dicta Vrbe, quàm extra eam, per vniuersum orbem, nunc & pro tempore erectis, seu erigendis, & instituendis, qualisuis alias, siue Scholarium tantum, siue aliorum Christi fidelium tantum, siue vtrorumq; simul, tam sub eodem Beatæ Mariæ Annuntiatæ, quàm alio quouis titulo & inuocatione, Congregationes seu Sodalitias, vnum scilicet vel plura in singulis locis, vel Ecclesijs pro personarum frequentia, seu qualitate, auctoritate nostra sine alicuius præiudicio, perpetuò erigere & instituere, necnon Cõgregationes, seu Sodalitias huiusmodi iam nunc, & pro tempore erectas & institutas eidem Primariæ Congregationi, seu Primario Sodalitio, auctoritate Apostolica & vigore præsentium litterarum etiam perpetuò aggregare, eisq; sic erectis, institutis, & aggregatis respectiue eorumq; Sodalibus Scholaribus, & non Scholaribus, omnes & singulas tam plenarias, quàm alias indulgentias, & peccatorum remissiones, ac relaxationes, necnon exemptiones, immunitates, ceterasq; gratias, facultates, indulta, & priuilegia spiritualia, & temporalia, tam dictæ Primariæ, quàm singulis alijs in quibusuis dictæ Societatis Collegijs, vel Domibus aggregatis, vel aggregandis Scholarium, & aliorum Congregationibus, seu Sodalitijs hæcenus tam per dictum, quàm alios quoscûq; Romanos Pontifices prædecessores nostros, Nosq; & sedem Apostolicam, ac etiam Regia, & Imperiali auctoritate, ac tam per viam extensionis, quàm alios quomodolibet & quancûq; concessas & concessas hæcenus, ac in posterum concedenda quibuscûq; alijs, siue Scholarium dumtaxat, siue aliorum Christi fidelium tantum, siue vtrorumq; simul, ac mixtim Cõgregationibus, seu Sodalitijs in quibuslibet Collegijs, aut Domibus dictæ Societatis hucusq; institutis, ac in posterum institutis, eorumq; Sodalibus Scholaribus, & non Scholaribus, auctoritate Apostolica & vigore præsentium huiusmodi etiam perpetuò communicare, illasq; & illa ad easdem omnes Congregationes, seu Sodalitias, eorumq; Sodales etiam non Scholares indifferenter, & æque principaliter extendere, ac etiam illis concedere, & largiri liberè, & licitè valeat, ita quod nunc & quancûq; in futurum ipsi Sodales Scholares & non Scholares quicûq; sint, faciendo, & obseruando ea, quæ Sodales Primariæ, & aliarum Congregationum, seu Sodalitiorum prædictorum, pro indulgentijs peccatorum remissionibus, relaxationibus, & alijs gratijs prædictis consequendis facere & exequi tenentur, ipsas indulgentias etiam plenarias, & alias huiusmodi gratias, plenariè & integre consequantur, ac illis fruantur, & potiantur, ac si illæ eis specialiter & ab initio concessas fuissent, auctoritate Apostolica tenore præsentium perpetuò indulgemus: dictiq; Gregorij prædecessoris litteras, & immunitates, exemptiones, facultates, priuilegia, & indulta, necnon in eis contenta quæcûq; tam respectu dictarum Congregationum, seu Sodalitiorum huiusmodi, quàm dicti, & pro tempore existentis Præpositi, seu Vicarij generalis dictæ Societatis, ad prædictas Congregationes, seu Sodalitias Scholarium, & non Scholarium etiam Christi fidelium quoruscûq; tam erectas, quàm in posterum, vt præfertur, erigendas, instituendas, ac aggregandas pariter perpetuò extendimus: ita vt omnia in illis contenta, & præsentibus litteris huiusmodi concessas, indulta, & elargita, ac si specialiter de verbo ad verbum eisdem præsentibus inserta, eorûq; toti tenores expressi forent, concessas esse intelligantur. Decernentes easdem præsentis litteras sub quibuscûq; similibus vel dissimilibus indulgentiarum, vel aliarum gratiarum reuocationibus, suspensionibus, limitationibus, derogationibus, & alijs contrarijs dispositionibus, etiam in fauorem Basilicæ Principis Apostolorum de dicta Vrbe, seu Cruciatæ Sanctæ, aut etiam per Nos, seu alios Romanos Pontifices prædecessores nostros, ac dictam Sedem etiam motu proprio, etiam potestate plenitudine, seu ad quorûvis Imperatorum & Regum instantiam pro tempore quomodolibet factis, minimè comprehendendi, sed semper ab illis exceptas, & quoties illæ emanabunt, toties in pristinum statum restitutas, repositas, & plenariè reintegratas, ac de nouo concessas esse, & censeri debere, irritumq; & inane, si secus super his à quoquam quauis auctoritate scienter vel ignoranter contigerit attentari. Non obstantibus præmissis, ac voluntate nostra prædicta, necnon constitutionibus & ordinationibus Apostolicis, ceterisq; contrarijs quibuscûq; Volumus autem quod si dictæ Congregationes, aut Sodalitias, vel eorum quæcûq; aliquo modo eidem Societati vel Domibus, seu Collegijs aliquod impedimentum, seu præiudicium pro tempore attulerint, idem Præpositus, seu Vicarius, illas vel illa, aut eorum singulas vel singula, dissolvere possit; Quodq; præsentium transumptis etiam impressis, manu Secretarij ipsius Societatis, aut Notarij publici subscriptis, & personæ alicuius in dignitate Ecclesiastica constituta, seu ipsius Præpositi, aut Vicarij generalis pro tempore existentis eiusdem Societatis sigillo munitis, eadem prorsus fides vbiq; locorum in iudicio & extra illud adhibeatur, quæ adhiberetur eisdem præsentibus, si forent exhibitæ, vel ostensæ. Nulli ergo omnino hominum liceat hanc paginam nostræ absolutionis, indulti, extensionis, decreti & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac Beatorum Petri & Pauli Apostolorum eius, se nouerit incursum. Dat. Romæ apud Sanctum Petrum Anno Incarnationis Dominicæ Millesimo quingentesimo octuagesimo sexto, Nonis Ianuarij. Pontificatus Nostri Anno Secundo.

Gregorij XIII concessio.

Primariæ Congregationis p Greg. erectio. Indulgentiarum concessio.

Facultas congregationes alias erigendi, ac Primariæ aggregandi. Primariæ Indulgentias aggregatis congregationibus comunicandi.

Sixti V. concessio.

Petitio.

Præcedentis facultatis extensio.

Transumptis habeatur fides

